

आकाशवाणी

खबरां नाटयपाल सिंह कोला

पैहले खास-खास खबरां:-

1. केन्द्र सरकार नै घुसपैठ ते होरनें कारणे कारण जनसंख्या च आए दे बदलाव पर शोध लेई इक उच्च स्तरीय कमेटी दा गठन कीता ऐ।
2. सुप्रीम कोर्ट मतदाता सूचि दे SIR गी चुनौती देने सरबन्धी याचिकाएं पर अज्ज अपना फैसला देग।
3. CBSE नै साफ कीता ऐ जे Answer Sheetएं दे मूल्यांकन लेई इस्तेमाल च कीती जाने आहली मार्किंग प्रणाली च कोई सुरक्षा उल्लंघन नैई होआ ऐ।
4. मौसम सरबन्धी मैहकमे नै दिल्ली दे केई हिस्से च बड़ी मती गर्मी पौने ते लू चलने सरबन्धी Yellow अलर्ट जारी कीता ऐ।
5. IPL क्रिकेट च राजस्थान चैलेन्जर्स बेंगलोर गुजरात टाइटन्स गी 92 रन्जें कन्नै हराइयै फाईनल च पुज्जी गई ऐ।

<><><><><><>

Centre Committee

केन्द्र सरकार नै घुसपैठ ते होरनें कारणे कारण जनसंख्या च आए दे बदलाव करी पैदा होई दी चुनौतियें दा निबेड़ा करने लेई इक उच्च स्तरीय कमेटी दा गठन कीता ऐ। इक सोशल मीडिया पोस्ट च केन्द्रीय गृह मंत्री अमित शाह होरें जानकारी दिती जे कमेटी दी अध्यक्षता सुप्रीम कोर्ट दे साबका जज जस्टिस प्रकाश प्रभाकर Naolekar होर करगंन। जनगणना कमीशनर- साबका I.A.S कमीशनर- दुर्गा शंकर मिश्रा ते साबका

I.P.S अफसर बाला जी श्रीवास्तव ते अर्थ शास्त्री डाक्टर शमिका रवि होरें गी कमेटी दा मेम्बर नियुक्त कीता गेआ ऐ। गृह मंत्रालय च Foreigners -1 विंग दे सह-सचिव होर इस कमेटी दे मैम्बर सैकेट्री होगन। प्रधानमंत्री नरेन्द्र मोदी होरें भरु लाल किले थमां स्वतंत्रता दिवस भाषण दौरान इस कमेटी दे गठन दी घोषणा कीती ही।

<><><><><><>

Supreme Court -SIR

सुप्रीम कोर्ट चुनां कमीशन आसेआ कीते गेदे मतदाता सूचि लेई SIR दी कानूनी वैधता गी चुनौती देने सरबन्धी याचिकाएं पर अज्ज अपना फैसला देग। केई सुनवाएं बाद भारत दे मुख न्यायधीश सूर्यकांत ते न्यायमूर्ति Joymala Bagchi हुंदा इक बैच अज्ज इस मसलें पर अपना फैसला सुनाग।

<><><><><><>

Anti Drone System

केन्द्री गृहमंत्री अमिता शाह होरे आखेआ ऐ जे सरकार ड्रोन राएं नशा ते हथयारें दी तस्करी उप्पर रोक लाने लेई अगले 6 महीने दे अंदर-अंदर ड्रोन विरोधी सिस्टम लाने दी प्रक्रिया च ऐ। राजस्थान दे बीकानेर जिले दे सांचू सीमा चौकी पर बी.एस.एफ दे जोआनें गी सम्बोधित करदे होई कल गृहमंत्री होरें आखेआ जे जित्थे बन्ने पारा थमां पैदा होने आहले खतरे अजें बी ऐन- उत्थे गै मुख्ये अंदर इनें खतरें गी मदद करने आहलें उप्पर बी बरोबर ध्यान देना लोड़चदा ऐ। श्री शाह होरें इस गल्ला पर जोर भरेया जे ड्रोन भारती इलाके च उतरदे न ते इस थमां समेयान गी हासल करने आहलें दी पंछान करने ते खतरें गी असरदार ढंग्गै कन्नै बेअसर करने लेई मकामी पुलस ते सिविल प्रशासन कन्नै नेइमा तालमेल जरूरी ऐ।



MEA Statement

भारत नै केन्द्र शासित जम्मू-कश्मीर गी लेइयै चीन ते पाकिस्तान आसेया जारी सांझे ब्यान च कीते गेदे अनुचित संदर्भ गी सिरे थमां नाकारी दिता ऐ। मीडिया बारे पुच्छे गेदे सोआलें दे परते च विदेश मंत्रालय दे प्रवक्ता रणधीर जायसवाल होरें आखेआ जे भारत दी स्थिति ते सोच लगातार इक सार बनी दी ऐ ते सरबन्धित धड़ें गी एह खरी चाल्ली पता ऐ।

उन्हें आखेआ जे जम्मू-कश्मीर ते लद्दाख- केन्द्र शासित प्रदेश भारत दा अनव्रुट ते अंह हिस्सा ऐ हे ऐन ते म्हेशा रौहगंन। प्रवक्ता होरें आखेआ जे इस बारे कुसै दुए मुल्खें आसेआ टिप्पणी करने दी कोई तुक नैई बनदी।

चीन -पाकिस्तान आर्थिक गैहल -CPEC परियोजनाएं बारे जिंदे चा किश भारत दी ज़िमी पर न- भारत नै सख्ती कन्नै आखेआ जे दुए मुल्खें आसेया पाकिस्तान दे नजैज़ कब्जें गी जायज़ आखने दी कोशिश- जां जबरन इनें इलाकें पर कब्जा करने दी सोची गई तां इसी बर्दाश्त नैई कीता जाहग। श्री जयसवाल होरें आखेआ जे एह गल्ल भारत आसेया पाकिस्तानी ते चीनी प्रशासन गी कैई बारी समझाई गेदी ऐ।



CBSE

CBSE नै साफ कीता ऐ जे Answer Sheetएं दे मूल्यांकन लेई इस्तेमाल च कीती जाने आहली मार्किंग प्रणाली च कोई सुरक्षा उल्लंघन नैई होआ ऐ- कीजे असल मूल्यांकन कम्मै लेई इस्तेमाल कीते जा'रदे पोर्टल पर कोई सुरक्षा उल्लंघन सामने नैई आया ऐ।

CBSE नै आखेआ जे सोशल मीडिया पर दस्सेआ जा'रदा URL इम्तेहानें च इस्तेमाल कीती गेदियें Answer शीटें दे मूल्यांकन लेई इस्तेमाल कीते गेदे पोर्टल थमां बक्खरा ऐ।

बोर्ड नै आखेआ जे एह मुल्यांकन च मती-मती पारदर्शिता दी अमलावरी लेई वजूद च आंदा गेआ हा- जेदा शकैतें दे नबटारे आहला इक तगड़ा तंत्र ऐ।

CBSE नै फही सरबन्धत धड़ें गी भरोसा दोआया जे मूल्यांकन आहले सरिस्ते दी प्रणामिकता ते सुरक्षा गी पक्का करने लेई सब्भै इंतजाम थाहरे सिर न।



Environment Bhopender Yadav

पर्यावरण जंगलात ते जलवायु परिवर्तन सरबन्धी मैहकमे दे मंत्री भूपेन्द्र यादव होरें जोर देइयै आखेआ ऐ जे स्यालै आली रुत शुरु होने थमां पैहले दिल्ली च प्रदूषण दा स्तर चिगड़ा आनने लेई सब्भै मुत्तलका धड़े ते एजेंसियें बश्कार बेहतर तालमेल ते सख्त नियमें गी तेजी कन्नै लागू करने दी लोड़ ऐ। श्री यादव होरें दिल्ली दी मुखमंत्री रेखा गुप्ता हुंदे कन्नै राश्ट्रीय राजधानी दिल्ली च ब्हाऊ दी गुणवत्ता च सुधार लेई उपासं दा जायजा लैने लेई कीती गेदी इक मीटिंग दौरान ए गल्ल आक्खी। मंत्री होरें सिड़कें उप्पर धूल-मिट्टी पर नियंत्रण करने ते सिड़कें दे विकास सरबन्धी सब्भै परियोजनाएं दी इस बरे अक्तूबर तोड़ी मुकम्मल करने लेई आखेआ ऐ। श्री यादव होरें दिल्ली च सार्वजनिक परिवहन ते इलैक्ट्रिक गड्डियें गी बढ़ावा देने लेई थाहरें-थाहरें E.V. Charging स्टेशन स्थापित करने पर जोर पाया।



IMD Weather

भारती मौसम विभाग नै अज्ज दिल्ली दे किश हिस्सें च अज्ज सख्त गर्मी पौने दे खदशे गी दिक्खदे होई Yellow Alert जारी कीता ऐ। तापमान 43 थमां 45 डिग्री सैलसियम रौहने दी शेंका ऐ। चंडीगढ़- मध्य प्रदेश- पंजाब- राजस्थान- उत्तर प्रदेश ते विदर्भ च अज्ज जबरदस्त गर्मी पौने दे असार न। छत्तीसगढ़ तटीय आंध्र-प्रदेश- हिमाचल प्रदेश- जम्मू कश्मीर- लद्दाख- झारखंड- ओडिशा- तेलंगाना ते उत्तराखंड च बी इस्सै चाल्ली दे हालात बने दे रौहने दी शेंका ऐ।

गंगा दे तट आले पच्छिम बंगाल- कोंकण ते गोआ- ओडिशा- सौराष्ट्र- कच्छ- तमिल नायडू- पुदुचेरी ते कराईकल च गर्म ते नमी आहला मौसम बनेआ रौहग।



EID-J&K

अज्ज पूरे जम्मू-कश्मीर च ईद-उल-अदा (बकरीद) दा त्योहार खुशी ते मुजहबी अकीदत कन्नै मनाया जा'रदा ऐ। जम्मू-कश्मीर च अज्ज ईद दी खास नमाज अदा कीती जा'रदी ऐ। लोक इस शुभ ध्याड़े पर इक-दुए गी शुभकामनां देआ रदे न।

उपराज्यपाल मनोज सिन्हा होरें लोकें गी ईद-उल-अदा दे मौके पर शुभकामनां दितियां न ते सारे लेई सुख- शांति ते समृद्धि दी कामनां कीती। मुखमंत्री उमर अब्दुल्ला होरें बी जम्मू-कश्मीर दे लोकें गी ईद-उल-अदा दे शुभ मौके पर शुभकामनां दितियां ते सारें लेई सुख-शांति ते समृद्धि दी कामना कीती।

<><><><><><>

Holiday

ईद-उल-अदा दे मुबारक मौके गी दिक्खदे होई 29 मई 2026 गी बी जम्मू डिविजन दे सब्भै सरकारी ते निजी स्कूल बंद रौहगंन। डायरेक्टर स्कूली शिक्षा जम्मू आसेया इस सरबंध्यै च कल जारी इक हुक्मै मुजब 29 मई गी स्कूलें च छुटटी दी घोषणा कीती गेई।

<><><><><><>

IPL Cricket

IPL क्रिकेट च रॉयल चैलेन्जर्स बेंगलोर गुजरात टाइटन्स गी 92 रन्जें कन्नै हराइयै फाईनल च पुज्जी गेई ऐ। धर्मशाला च खेड्डे गेदे पैहले Qualifier च रॉयल चैलेन्जर्स बेंगलोर नै पैहले बल्लेबाजी करदे होई 255 रन्जें दा लक्ष रक्खेया जेदा पिच्छा करदे होई गुजरात दी पूरी टीम 19 इशारिया 3 ओवरें च 162 रन्जें पर आउट होई गेई। अज्ज चंडीगढ़ च साड्डे 7 बजे सनराईजर्स हैदराबाद ते राजस्थान रायल्स बश्कार एलीमिनेटर मैच खेड्डेया जाहग।

<><><><><><>